



**SOCIETA' DI MUTUO SOCCORSO
AGRICOLA E OPERAIA**



**B
U
S
I
N
A**

**2
0
0
4**

CASTELLETTO MONFERRATO



BUSINA' 2004

INTRODUZIONE

VEG

u 2004 a lè rivà
aiomma semper quaicòs da chintà
segret seicomma at tenni nin
nè cun vuiacer nè cun i pais d'avsin
ades ca somma entrà, an tai carvà
aiomma licensa, pudomma parlà
la coua an mez al gambi, i la tenu i can
mi anveci am pias, parlà dadnan
parlarromma di bei, di brit e di gadan
ai'nè semp di stravagant

FIO

malgrad n'atr ani... u sia ormai pasà
a somma semp an s'na britta stra
u temp ai pasa, somma semp pì avili
a tiromma la cinghia clè in piasì

FIA

ani andre a m'avu prumis
che a m'avrijsu tira fora da cert pastis
a sentii anlura, chi taca n'asident
amnivu ticc siur ant'in mument
alè finija me cara gent
ch'iomma ancora vist in bel nent

VEG

fina i lader i son cambià
i robu pì finna aulong la strà
ades i son gentil e galant
i parlu ben i son elegant
da drè na niccia at fan fijmà
t'prumettu i dne ardubià
met i sold an tal so man
tiù vegghi pì nanc da luntan

FIO

lasla li sgonfia nent

dev da fa cun icc strument



NUOVI VECCHI

FIO

castlet lè in bel paisot
ma aiè di mument ca fareisu fagot
iè aria fin-na e brava gent
ma tniv a la larga da cert element

VEG

dla mama granda e iacer vegg
aijavu ticc in gran rispet
gent giusta, anca sever
l'era in piasì ciamaiji di parer
as favu mostrà la bonna strà
a cui d'ancò, set-tij vori mai ciamà
aian bunben dla boria

FIA

ticc za gent, la va net antla storia
a purtà dal nuvità
ale' ai pì gros spresi tii posi fà
a castlet i vegg dna vota aijson pi
as creddu deisi di fanciot, i son beia bui
a pudomma ammà sperà
chi fasu na legg per rutamà



NUOVI RICCHI

VEG

stem a senti par piasì
iè quaicos c'auriva di
auris dili a sta brava gent
chi siju ad castlet naturalment
aiè dla gent rivà an sis brich
guadagnanda dui sold, as creddu rich

FIA

i pensu d'eisi finalment
di na rasa difarent
at salutu apena cun in surisin
u smija chi gnaccu 'n'ogg spulin
i disu dal robi senza risur
i pensu acsi d'fas unur
i voru robi 'd primma qualità
sei ben cme chi son al celebrità



VEG

la pricca lè la so pasion
s'ijan nent l'esclusiva, ai gira i cuion
dai causet al midandi aian tit fijmà
i mettu amma dal nuvità
e cul chi sta an sla pansa
alè propri l'uguagliansa
as visu pì du temp pasà
tit la crivela caian bufà

sueni ca l'e' carvà

SANITA'

FIO

da quasi vint'ani, per i maquè da chirà
al post dal pastigli andavu 'n gesia a pregà
aiera amma in brav'om cun dla gran voluntà
ma la gent cl'ava sutta aieru in'enurmità
satflu ciamavi d'urgenza
duvivi cmensà ad avei pasiensa

FIA

sat'eri rubust ad pudivi spicià
pasà quiaa di at-lu avghivi rivà
ejsi abituà an tla pian-na
ai munfrà lè 'n culin-na

VEG

sta situasion dop a tant l'è finija
aiè mni 'n dutur ca lè na bela fija
e quieca din, senza sta ma
u seica la schisa ad fas tucà
a lè na duturessa cla sà du tit
at strafugn-na, la pons da partit
at entri quader cme 'n scagnet
at sorti pi ardi che 'n galet

FIA

cuncinda al culin-ni fin da masnà
per lei lè 'n piasì, anda cà per cà
e cul d'primma a sè 'n po anrabià
e a la scmensà a tira fora u scusà
a lè mni bel'anvirbi
is robi, aiu fas anca mi



FIO

a la tirà fora in papè pin d'specialità
a l'è andacc..... au cepu par amparà
alà pouira d'eisi abandonà
per andà antal cà e nent fas pasà
ai vend ai fuori strada e ai crompa 'n cingulà

VEG

rivanda a la fin di sta quistion
andei d'acordi antl'interesi dla pupulasion

SPORTIVI UNITI

VEG

i nocer spurtiv per queic'ani aieru spari
anca a seicai at'iju vghivi pi
iultim partij ch'iavu suà
lè mei sta cittu e nent parlà
forsi l'era cul'alenadur
cu ciciava ticc i sidur

FIO

tit an t'in nent ist'istà
i son sciudi giunta a la Sucietà
i smiju i pulastrin ansla stra'
che dre la pita i stan quacià
aian facc na gran festa cun in gran disnà
aiera al cuppi fina an sla strà

VEG

i sarà stacc duzent anvidà
ticc cui chi rivavu aieru premià
i davu vija cuppi e cupon
aiò mai vist tanc campion
as sbasavu trad lur cmè 'ntna partija
ma iomma nent capi titta sta'ligrija
as creddu che fanda 'n puvron
as posa risolvi tit la question ?

FIA

piantla li lengua grama a lè bel criticà
ma quand ca lè ura am so das da fà
pensanda ai dne speis dla pupulasion
u smija chi fasu quei cos dbon
aian in idea cla smija bonna
i voru fam pasà l'ista sutta la pon-na
lasei perdi la muntagna
alè csi bela la campagna



stei nent li a prenutà 'n riviera
as truaromma ticc a fà na gran fera
i son robì beli per tit ai pais
dom-mij na man, che finalment i fasu in suris
fem tirà ai fià sunei ca l'è carvà


'N TIPU DROLU

FIA

Da quand ch'è cmensà genaron
a veg di tipu drolu an su stradon
gent fin elegant
dpori vegghij minca tant
ansi scalin metti satà
cat'lu vegghi balandrà
a l'ava lasà mez schinijà

VEG

cat tlu trov bela sghirà
ai marcia a la moda nova
a sè facc furà u nas par prova
cun in'aria da mi m'anfut
le' mni u ritrat dla salut



FIO

a là mis-sì 'n negosi d'blessa
si va ndrenta nbabi, i sort na principessa
a nadal l'era giald cmè nsicutin
a lò vist ieri, rus cme in ravanin
alè in bel om, alè ardi
as gava ticc i sò piassi

FIA

fietti e doni dev da fà
a le' mni ngiuvnot da marià

MUNICIPIO 1

VEG

a l'avu dicc, fomma 'n gabion
per teni dachint cul bel umason
at vist, asè spauentà
la mulà tutt e al'è scapà

FIA

tas, l'è net ai gabion callà spauentà
i son al sansari callan fac scapà
l'auriva masai cun dal nuvità
ma aieru semper pì grossi e aian anpi la cà



FIO

aiomma savi cla da stidià
se tut al va ben, l'e' na gran nuvità
i piju dl'alam armiscià cun dl'armenta
i fan amni fora ..ciculata e menta
auguromma che tit ai vaga a bon fin
ca posu semp avei u stomi pin

MUNICIPIO 2

VEG

a son peocupà aiò in magon
a ries nent a truvà la solusion
a castlet a somma ben fuitinà
stra, scoli, aiè tit ben rangià
ma quand clavrà finì is gran laurason

FIA

per cul cal fà, ainu va... in bataion
sensa fax e compiuter as po' pì laurà
stiu cugnessi nent, at tran ansla stra
lui ai branca in martè cun la sapa e ai badi
u sistema ai pais che tut lè finì



FIO

u sarà na bela gran-na truàijn acsi
a pens che cme lui.. ainè propi pì
alà ancu queich'ani sal vò cuntinuà
sicur che castlet a tlu trovi arnuvà
sunei ina canson

SAN SALVATORE

VEG

aiò quei cos da div ancur
riguard na sità ad sichi tur
na cità cun dl'impurtansa
cun na bela vija ciamaia Pansa

FIA

a lè da poch, ch'aian cambià padron
cui chiè rivà i son malavi dai mon
sat uardi tit an tur
aiè primmà di bufin a sut la tur
l'idea lè bonna par ai pais


FIO

uardà ad slargali senza pastis
i tran sì al cà vegi ad cent'ani
ancura 'n pò i van a finì an tani

aurissu cugnesli cul gran architè
cul c'la cabalà l'ultim pruget
sat pasi an via pansa et uardi 'n si
in toc 'd san salvadur tlu vegghi pì
s'leisa da fa uncu queica lot
alè mei chi vena in bel teremot

VEG

pusibbel che pasanda quater voti au di
asnu siju net acorc di sa ghineira li
a nent pià certi precausion
as po fas da , dai gran cuion
cul povromi che a san stevu lauriva andà a cà
a la vist certi crepi, cla duvì scapà



FIA

u smija che culpa la sija la soua
u duviva nent fa, la cà la 'nsimma
cui chi lavuru andret a cul bogg
i voru eisi tranquil e nent semp ausà ijogg
e adess ca ie' cul gran bugiaron
a vot vegghi calè culla' che ai v' an parson?

FIO

a somma nent se di, as gram umet
l'è mei cu sara la porta e cal vena a Castlet

VEG

e pensà ca iavu gena a ciamai meza servela
avghinda culchi fan, lè ancu la parola pì bela

AVVERTIMENTI

VEG

Se al testi fisiu bonni e sanni
i fareisu nent ammà dal granni
as creddu che la gent aian sà smantià
u disaster at sesant'ani fà
l'Italia i v' a pres l'America e l'Inghiltera
i creddu d'guadagna fanda la uera
la uera me cara gent
a lè la civiltà an faliment
a lè mei che i cap dal nasion
cas dagu la man e i cantu na canson
sa pens a la fin chian facc tit cui fanciot
l'è mei chiesu preparà di piat d'anilot
capim, la uera la mustrà
che anca cul cal vens a lè fregà

FINALE

FIO

Aiomma quasi livrà
cun pochi bali e tanti verità
la businà per eisi ben capija
amsò crumpala e purtala vija
purtela an ti salot
chi posu lesla al doni e i fanciot
fei capì cul caiè scricc
tuntu ciar clu capissu ticc

FIA

ades aiè mascheri surprèisi d'ogna sort
chi fan sta alegher anca i mort

VEG, FIO, FIA

ringrasianda tit sta brava gent
av domma per n'atranì l'apuntament

ciao a tutti

sunada

